

— Tujetsch. (Corr.) † Strusch ei nies brav giu-
ven schuldau Gion Ludv. Venzin de Selva staus en fossa,
chæ la dolorusa nova della mort d' in secund giuven schul-
dau de Tujetsch ha tuccau nus, numnadamein de Chri-
stian Gieriet de Gonda-Sedrun. El ei spartius la notg
dils 28/29 d. q. el spital de schuldada Neubach a Cuera
en la vegliadetgna de 25 onns. — Christian Gieriet era,
muort sia exemplarica conduita e siu bien cor sincer da-
tuts beinvesius e stimaus. La societat de musica de nossa
vischnaunca piarda tras sia mort in premurau commem-
ber. — Nus condolein cordialmein alla combrigiada fa-
milia, ch' ei ussa privada d' in car fegl e frar, sia me-
glieria forza. Dieus consoleschi ella e laschi ruassar nies
bien e nunemblideivel Christian en paisch! 5-12-18